



Siverth K. Heilmann
Atassut sinnerlugu Inatsisartuni ilaasortaq

§ 37 naapertorlugu apeqqutip nr. 47/2023-p akineqarnera

Inatsisartut suleriaasianni § 37-mi, imm. 1 naapertorlugu Naalakkersuisunut apeqquteqarputit. Naalakkersuisut apeqqutinut tullinnguuttumi issuarneqartunut akissuteqartinneqartunullu qujapput.

01.03-2023
Suliap normua 2023 - 4362
All. nr. 22608481

Postboks 1160
Oqarasuaat: 34 50 00
Fax: 34 55 05
3900 Nuuk
Email: pn@nanoq.gl
www.naalakkersuisut.gl

- 1. Qanoq akulikitsigisumik napparsimaveqarfinni sulisussaaleqineq atuuttarpa sineriatinni? Kisitsisit pineqarusuttut tassaapput nunap immikkoortuini napparsimaviit, napparsimaviit peqqissaaviilu aalajangersimasumik nakorsaqarfiullutillu peqqissaasoqarfiusut. Kisitsisit qaammatikkaartumik ukiuni kingullerni pingasuni nakorsaqarfiusimannngitsut peqqissaasoqarfiusimannngitsullu kissaatigineqarput.**

Akissut:

Atorfinnut aalajangersimasunut tunngatillugu pingaartumik Nuup avataani nakorsassaqarniartarnerup annertuumik ajornartorsiutaanera nutaajunnngilaq. Nunani avannarlerni tamani nunarsuarmilumi nunani allarpassuarni nakorsassaaleqisoqarpoq. Peqqissaasunut tunngatillugu pissutsit aamma taamaapput. Tamatuma kingunerisaanik atorfiit inuttassarsiorneqartut arlalissuit inuttalerneqarsinnaaneq ajorput.

Atorfiit inuttaqannngitsut inuttalerniernerinut Peqqinnissaqarfup nukippassuit atortarpai. Pissutsit nuna tamakkerlugu atuupput atorfinitsitsinerillu piffissaq kingullerpaaq atorlugu pisarlutik. Atorfiit inuttalerneqarsinnaassanersut amerlanertigut ilisimaneqarneq ajorpoq taamaanneratalu kingunerisaanik siunissaq ungasinnerusoq isigaluni pilersaarusiortoqarsinnaaneq ajorluni.

Nakorsatut aqutsisutut atorfiit eqqarsaatigalugit nunap immikkoortuini peqqinnissaqarfinni tallimaasunit pingasut massakkoqqissaaq aqutsisutut nakorsaqannngilat. Qeqertarsuup Tuani nunap immikkoortuani nakorsatut aqutsisutut atorfik arlaleriarluni inuttassarsiorneqartarsimagaluarpoq qinnuteqartoqarnerli ajorluni. Avannaani nunap immikkoortuani nakorsatut aqutsisutut atorfik inuttassarsineqarsimagaluarpoq qinnuteqarsimasulli qinnuteqaatini piffissaq kingullerpaaq atorlugu utertissimallugu. Atorfik 2022-imi oktobarimili inuttaqarsimannngilaq. Kujataani nunap immikkoortuani nakorsatut aqutsisutut atorfik 2022-mi septembarimili inuttaqarsimannngilaq. Atorfimmut atatillugu qinnuteqartoqarsimannngilaq.

20. januar 2023-imi nakorsat aalajangersimasumik atorfillit pingasut Nuup avataani atorfeqartinneqarput.

Piffissami tassanerpiaq nakorsat immikkut ilisimasallit 15-it taartitut (vikar) atorfeqartinneqarput, sisamat Avannaani, sisamat Qeqertalimmi, pingasut Kujataani ataaserlu Sermersuumi.

Ulloq 20. januar 2023-imi nakorsat inuusunnerusut 20-t Nuup avataani nunap immikkoortuini tallimaasuni tamani atorfeqarput. Nakorsat inuusunnerusut tassaapput nakorsat immikkut ilisimasalittut sulii allagartaqalersimannngitsut.

2. Innuttaasumut qanoq isumaqarpa sinerissami peqqinnissaqarfinni nakorsiarfinnilu naammattunik nakorsaqqarnanilu peqqissaasoqannginera?

Akissut:

Sulisoqarniarnikkut unammilligassat pissutigalugit suliasat ilaat qarasaasiaq atorlugu nakorsiarfittsinerit imaluunniit nunap immikkoortuini sivikitsumik atorfeqartitsisarnikkut aqqinniarneqartarput.

3. Peqqinnissaqarfinni, nakorsiarfinnilu sulisussaaleqineq pillugu innuttaasut nakorsiaraluartut ikiorneqanngitsoorlutik ajoraluartumik toqusoqarneranik kinguneqartarpa?

Akissut:

"Peqqinnissakkut katsorsartinnermut atatillugu naammagittaalliutit" Nunatta Nakorsaaneqarfiata 2022-imi septembarimi saqqummersitaani atuarneqarsinnaavoq suliat arlallit suliarineqarsimani pillugit naammagittaalliutigineqartarsimasut. Pissutsit taamaannerinut peqqissaavinni napparsimmavinnilu sulisut amigarneri qanoq pisooqataatigineri erseqqissumik oqaatigineqarsinnaanngilaq.

4. Naalakkersuisut qanoq pilersaaruteqarpat sulisussaaleqineq pillugu inuit nakorsiaraluartut angerlartiinnarneqartarnerat akiorniarlugu pitsannorsaamissamut?

Akissut:

Kalaallit Nunaanni Peqqinnissaqarfimmi pissutsit pitsaanerpaatinniarlugit Naalakkersuisut suliarput.

5. Naalakkersuisut ilisimavaat nunaqarfinni inuit qassit nakorsiarfimagaluarlutik ikiorneqarsinnaannginnertik pillugu saaffiginnissimagaluarlutik ajoraluartumik toqumik kinguneqarsimasarneranik?

Akissut:

Tassunga tunngatillugu Naalakkersuisut toqqaanartumik ilisimasaqanngillat. Nunarfinni annertuumik napparsimasut suliarineqarfissamik ungasippallaarneranit eqqorneqartarput.

6. Naalakkersuisut peqqinnissaq pillugu isumaliutissiissusiarsuup naammassinissaa sulii utaqqimaaqqaarusuppaat iliuseqannginnerminni? Ilisimagaluarlugu tungaanut inuit arlallit nakorsiartaraluarlutik inuunertik annaasarumaaraat.

Akissut:

Peqqinnissaqarfimmi unammilligassat eqqarsaatigalugit Naalakkersuisut Peqqinnissaqarfimmi qullersanik ataavartumik oqaloqateqartarput. Aningaasanut inatsisissatut siunnersuutip isumaqatiginninniutigineqarneranut atatillugu peqqinnissaqarfimmut aningaasaliissutaasartut Naalakkersuisut amerliniarsarissavaat taamaasiornikkut siunissami atorfinitsitsisarnissat aammalu taartaasartunik sulisoqartarnissat aningaasassaqaqqullugit.

7. Naalakkersuisut massakkorpiaq qanoq iliuseqarniarpat?

Akissut:

Peqqinnissaqarfimmi qullersat suleqatigalugit suliniutit aallartinneqareersut saniatigut nukissat killeqaqisut atorlugit peqqinnissaqarfimmi nunatsinni innuttaasunik pitsaanerpaamik sullisseriaasissaa Naalakkersuisunit isiginiarneqarpoq. Tamatuma saniatigut peqqinnissaqarfimmi sulisooreersut saniatigut peqqinnissamik suliaqartartunik nunanit allaneersunik atorfinitsitsisinaanissamik misissuisussamik suleqatigiissitamik pilersitsisoqassaaq.

Taamaammat suliniutit aalajangersimasut pingasut aallartinneqassapput:

1. Kalaallit Nunaat tamakkerlugu nakorsanut inuusunnerusunut taartaasartunullu ikorfartuinnermut qulakkeerinnittussamik nakorsat immikkut ilisimasallit aalajangersimasut pigaartuusarnissaannik aaqqissuussinissaq sulissutiginiarneqarpoq.
2. Nunap immikkoortuini nalinginnaasumik sulinerup nukittorsarneqarnissaa sulissutigineqarpoq, taamaalilluni innuttaasut ulluinnarni nappaatiminnik iliuseqarfiginninniarnerrannut atatillugu pisariaqartitaannut tunngatillugu pitsaanerusunut iliuseqartoqassamat.
3. Innuttaasut sapinngisamik piaartumik eqqortumik katsorsarneqarnissaat qulakkeerniarlugu pinasuartumik pilattaasernerit qitiusumut katersornissaat sulissutigineqarpoq

Inussiarnersumik inuulluaqqusillunga
Med venlig hilsen

Mimi Karlsen
